

24 November 2011

Jaargang 4 – Uitgawe 40

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Die wet op beskerming van inligting – wat sê die Kerk?

Daar word dikwels in die wandelgange gevra: *Maar wat sê die Kerk hieroor?* Dit is nie altyd moontlik om 'n skrywer op kort kennisgewing te identifiseer wat redelik volledig kommentaar kan lewer nie. Die voorgestelde Wet op Beskerming van Inligting wat op 22 November 2011 deur die Parlement aanvaar is, het geweldige mediadekking ontlok. Die redaksie het besluit om 'n blitsmeningspeiling onder enkele teoloë en lidmate te doen. Hierdie reaksie is per SMS ontvang.

Die Inligtingwet beskerm geheime. Net mense wat ongehoorsaam aan God is, doen dinge in die geheim. Maar selfs dit sal aan die kaak gestel word wanneer die lig (Ef 5: 8-9) daarop val. (Ds Willem Kok, Gemeente Potchefstroom)

Ek dink Jesus leer ons om mag te gebruik tot voordeel van hulle wat dit nie het nie. Lyk my die Wet beskerm dié wat mag het daarteen om hul gedrag aan die lig te onderwerp – of dit net op hul eie voorwaardes te doen. (Ds Gys Els, Gemeente Brackenhurst)

Ek het my oë rooi gehuil, daar is swart kringe onder my oë. Tog is ek nie skuldig aan geweld nie en is my gebed opreg (Job 16:16-17). Ons het besluit ook rede om te huil oor hierdie besluit. (Ds Wouter van Wyk jr, Gemeente Verwoerdburg)

Wyse mense hou hulle ore oop vir kennis (Spr 18: 15). Dwase weerhou inligting van ander. (Dr Gafie van Wyk, Gemeente Kaapstad)

As daar niks is om weg te steek nie, waarom wil jy inligting verberg? Die Wet op Beskerming van Inligting gaan oneerlikheid en korrupsie verberg, wat tot 'n stoomroller-effek gaan lei. Oneerlikheid en korrupsie vorm nie deel van ons as Christene se waardes nie. (Petrolize de Beer, Saakgelastigde van Gemeente Klerksdorp-Doringkruin)

Daar is sekerlik iets te sê vir geheimhouding waar die veiligheid van landsburgers ter sprake is, soos byvoorbeeld terroriste-aktiwiteite wat ondersoek word, en die werk van Nasionale Intelligensie waar dit goeie orde in die samelewing wil verseker. Dit wil egter voorkom of daar groot twyfel is oor die uitwerking van die wetgewing.

Daar is eintlik niks nuuts onder die son nie. Christene in die vroeë kerk was uitgelewer aan die willekeur van owerhede. In uiterste gevalle is hulle vervolgd vanweë hulle geloof en getrouheid aan Jesus Christus. Tog roep Paulus die gemeente op om hulle te onderwerp aan die owerhede se gesag: *Elke mens moet hom onderwerp aan die owerhede wat oor hom gestel is. Daar is immers geen gesag wat nie van God kom nie, en die owerhede wat daar is, is daar deur die beskikking van God* (Rom 13: 1). Daar is ook die oproep om vir die owerhede voorbidding te doen (1 Tim 2: 1-2): *Ek dring daarop aan dat daar in die eerste plek met smeking, voorbidding en danksegging gebid moet word vir alle mense, vir dié wat regeer en vir almal wat gesag uitoefen, sodat ons 'n rustige en stil lewe kan lei in volkome toewyding aan God en in alle eerbaarheid.*

Ds Wouter van Wyk (jr) het die laaste sê: *Geen wet kan ons verhoed om die evangelie in opregtheid aan almal te verkondig nie.*

Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

Dr André Ungerer



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Dr Hein en ds Mariaan Delpport



Ds Hennie Louw

Beroep ontvang

- **Dr Hein Delpport** van Krugersdorp na die Kuruman-kombinasie
- **Ds Mariaan Delpport** van Sionspoort na die Kuruman-kombinasie
- **Ds Hennie Louw** van Kampersrus na Newcastle

Vakante standplase

- **Gemeente Oos-Londen** beskik oor 'n **vakante deelydse predikantstandplaas**. Die gemeente het 'n eie kerkgebou en pastorie, en bestaan uit ongeveer 170 belydende lidmate. Die bedieningsarea strek oor die hele Oos-Londen sowel as enkele aangrensende gebiede. Navrae kan aan die voorsitter van die Ouderlingevergadering, oudl Peet Swanepoel, by 083 597 8283 gerig word. Enige belangstellende predikant of proponent kan 'n volledige CV **voor of op 25 November 2011** aan oudl Swanepoel by pp.swanepoel@gmail.com stuur. Die Kerkraad is egter nie verplig om uit die groep aansoekers 'n beroep uit te bring nie.
- **Gemeente Vaalharts** in Hartswater (Noord-Kaap) se **volsorgstandplaas** is vanaf 1 Desember 2011 vakant. Die lidmaattal is ongeveer 325 (ongeveer 263 belydendes), en die gemeente het tans ook 'n samewerkingsooreenkoms met Gemeente Christiana. Belangstellende predikante kan 'n CV stuur aan die skriba, oudl Gerrit Staats, by geram@vharts.co.za. Kontak oudl Staats by 053 474 0597 of 082 414 9643 vir meer inligting. Die Kerkraad is nie verplig om uit die groep aansoekers 'n beroep uit te bring nie. Predikante wat intussen **preekbeurte** in die gemeente kan waarneem, kan oudl Staats ook kontak.
- Die gekombineerde gemeente **Belfast/Waterval Boven** beskik oor 'n **vakante volsorgstandplaas**. Die gesamentlike lidmaattal is ongeveer 300 belydende lidmate, en die bedieningsarea sluit Belfast, Machadodorp en Waterval Boven in. Navrae kan aan die skriba van die kombinasie, oudl Anita Booyse, gerig word, en belangstellendes kan 'n CV aan die skriba e-pos by anitabooyse@gmail.com of faks na 086 547 067. Predikante wat intussen preekbeurte in die gemeente kan waarneem, kan oudl Booyse ook kontak.
- **Gemeente Onverwacht** beskik oor 'n **vakante deelydse standplaas**. Die standplaas behels die bediening van lidmate in die gemeente asook lidmate van die interkerklike Gereformeerde Kerk in Francistown. Die kandidaat sal twee weke in Gemeente Onverwacht werk en twee weke in Francistown, ongeveer 400 km van Onverwacht af in Botswana.

Gemeente **Onverwacht** is 'n groeiende plattelandse gemeente in die Bosveld, met 'n sterk industriële gemeenskap. Daar word heelwat uitbreidings in die gemeenskap verwag met die nuwe kragstasie wat in aanbou is. Onverwacht is deel van die ring van Potgietersrus. Die gemeente het in Februarie 2011 uit ± 650 lidmate bestaan waarvan 406 belydende lidmate is. Ds Coenraad Strydom is tans die voltydse predikant.

Gemeente **Francistown** is 'n uitgestrekte semi-stedelike gemeente met ongeveer 90 Afrikaanssprekende gesinne. Die lidmate is met werkskontrakte en op permanente basis in Botswana.



Vir die voorgeskrewe aansoekvorm en ander inligting, kontak mev Hanlie Thirion by die gemeentelike kerkkantoor, by 014 763 4944 (voor 13:00) of per e-pos by admin@onverwachtgemeente.co.za, of ds Coenraad Strydom by 084 506 1917, 014 763 2595 of coenstrydom@lantic.net. Die **sluitingsdatum** vir aansoeke is **15 Desember 2011**.

PREDIKANTE EN GEMEENTES

Alle lief en leed vir plasing in die kerklike publikasies moet voortaan aan die Sekretaris vir SENTIK gestuur word, en nie langer aan die Sekretaris van die Kommissie van die AKV nie. Stuur inligting aan dr Wouter van Wyk by wouter@nhk.co.za, of skakel hom by 082 339 2332.

- **Gemeente Trichardtsfontein** neem na 24 jaar afskeid van **ds JAC (Jan) Rossouw**. Hulle nooi al die predikante wat hom ken en/of wat in die ring van Trichardtsfontein is om op **Sondag 22 Januarie** om 11:00 na ds Rossouw se uittreepreek te kom luister. Daar sal na die diens 'n ete bedien word. Verwittig Elise by 017 638 1134 (Maandae-Donderdae van 08:00-13:00) indien u die geleentheid gaan bywoon.
- **Die volgende predikante verjaar tot 2 Desember**, en word hartlik geluk gewens.
 - Donderdag 24 November: Di Jacques Pieterse (Laer Suidkus) en Neels van Tonder (Buffelspoort)
 - Vrydag 25 November: Ds Johan Wagenaar (emeritus)
 - Saterdag 26 November: Ds Gert van Staden (emeritus)
 - Sondag 27 November: Prof Theo Koekemoer (emeritus)
 - Maandag 28 November: Dr Barry van Wyk (Waterberg)
 - Woensdag 30 November: Ds Jan Wilson (Klerksdorp-Suid)
 - Donderdag 1 Desember: Prof Yolanda Dreyer en ds At van den Berg (emeritus)
 - Vrydag 2 Desember: Ds Kalla Fourie (Krugersdorp-Noord)
- Die **volgende vergaderings** vind tot 2 Desember plaas. Betrokkes moet hulself asseblief vergewis van die korrekte vergadertye en lokale.
 - Donderdag 24 November: Komitee vir die Herskrywing van die Kerkorde
 - Dinsdag 29 November: Koördineringskomitee
- **Gemeente Greylingstad**. Op Sondagaand 27 November om 18:30 word 'n **gesamentlike Adventsdiens**, met Chris Coetzer as gaskunstenaar, onder leiding van ds Fanie Naudé in die NG Kerk Greylingstad gehou. Verlede jaar was die kerk stampvol! Omliggende gemeentes word genooi om vanjaar se diens by te woon. Kontak ds Naudé by naude.fanie@gmail.com vir meer inligting.
- **Gemeente Strand: Eredienste Desember 2011**. Lidmate wat gedurende Desember in die omgewing van **Strand/Hermanus** vakansie hou, kan elke Sondag om 09:00 saam met die gemeente die Here dien met woord en lied. Op Sondag 4 Desember word hul pyporrel tydens die jaarlikse Kerssangdiens ingewy. Daar is ook op Geloftedag, Vrydag 16 Desember, en op Kersdag, Sondag 25 Desember, om 09:00 eredienste. Die kerkgebou is op die hoek van Boschendal- en Elimstraat, Onverwacht, Strand; GPS S 341.10971 O 018.84235. Navrae aan Japie Botha (skriba) by 021 851 6351 of 083 231 6321.
- **Gemeente Magaliesmoot** benodig die dienste van 'n **orrelis** wat die begeleiding tydens oggenddienste kan waarneem. Diensaanvaarding 1 Desember 2011. Die gemeente is geleë tussen Pretoria en die Hartbeespoortdam. Kontak ds David Barnard by 083 441 1789.



Ds Johan Wagenaar

Ds Kalla Fourie



Ds Fanie Naudé



- **Gemeente Hartebeeshoek** het 'n linne-binnedeur, 12,2 m x 3,5 m hoogte, gratis beskikbaar vir enige sustersgemeente. Dit is voorheen gebruik as afskorting tussen die kerk en saal en is intussen vervang met glasdeure. Belangstellendes sal self verantwoordelik wees vir die vervoer en herinstallering daarvan. Kontak oudl Abie de Beer by abiedebeer@absamail.co.za, 012 549 2448 of 083 417 8007.
- **Gemeente Vryburg** het boeke afgeskryf en stel die **boeke gratis** beskikbaar. Stuur 'n e-pos aan ds Jasper van der Westhuizen by jpcvdw@lantic.net vir meer besonderhede.



- Teken voor die einde van November per SMS in op *Konteks*, en **wen 'n gratis webblad** vir die gemeente! Die gemeente wat die meeste SMS-intekeninge vir *Konteks* 2012 stuur, wen 'n gratis webbladontwerp van Delitech IT Solutions (www.delitech.co.za). *Konteks* kos in 2012 R140 vir 10 uitgawes, en intekenaars se volkleurtydskrifte word maandeliks na die gemeente-adres ge-pos. Teken in deur 'n SMS met die volgende formaat na 45633 te stuur: "NHK Gemeentenaam Intekenaar" (bv NHK Philadelphia GJ du Toit). Let daarop dat elke SMS met NHK (*in hoofletters*) móét begin. Elke SMS kos R1,50. Die gemeente wat die gratis webblad wen, sal aan die begin van Desember in die laaste *e-Hervormer* van vanjaar aangekondig word.



- SENTIK vra dringend hulp van gemeentes en ringe vir die **verspreiding** van die **2012 Almanak/Bybelse Dagboek**. Gemeentes en ringe in en om Pretoria moet asseblief self reëlings tref om hul besending by die Sinodale Kerkkantoor te kom afhaal. Predikante of ander verteenwoordigers van gemeentes buite Pretoria moet waar enigsins moontlik ook hul gemeente en/of ring se eksemplare kom afhaal, en vir die verdere verspreiding daarvan reëlings tref. Al die gemeentes in 'n bepaalde ring moet presies weet waar hul boeke uiteindelik afgehaal moet word. Kontak mev Susann van Zyl by 012 322 8885 x291, faks 086 633 4054 of sentik@nhk.co.za om reëlings te tref.

- **Verkoop, slooping en vernietiging van gemeentelike eiendomme.** Gemeentes word daarop gewys dat foto's van die geboue vooraf geneem moet word en aan die **argivaris** van die Kerk beskikbaar gestel moet word. Die inhoud wat op enige wyse waardevol sou kon wees vir die Hervormde Kerk moet ook aan die argivaris beskikbaar gestel word. Kontak mnr Nándor Sarkady by 012 322 8885 x204 of argief@nhk.co.za in dié verband.

- Die **Voortgesette Teologiese Toerusting vir Predikante (VTT)** van 2012 vind plaas op 5 en 6 Junie, en op 6 en 7 November. Die tema is *Missionale Diakonaat. Saam in diens met verstand, hart en hand*. Die vind plaas by Gemeente Wapadrant. Meer inligting sal vroeg in die nuwe jaar beskikbaar wees.

- Daar is **verblyf** beskikbaar **binne loopafstand van die Universiteit van Pretoria**, op die kerkterrein van Gemeente Philadelphia in Hatfield. Gratis parking, elektrisiteit en water ingesluit. Vir meer inligting, kontak Esmé by 012 362 7237 of philadelphia@nhk.co.za.

- **BEHUISING VIR BEJAARDE. Emily Hobhouse**, behuisingskompleks vir bejaardes in **Capital Park** (in die Capital Meander Kunsroete), het 'n **enkelkamer** beskikbaar vir 'n bejaarde wat nog **selfversorgend** funksioneer. Die kompleks is geleë teen die berg en bied 'n lieflike uitsig oor die berg se natuurskoon. Die kompleks skep 'n huislike atmosfeer, en gereelde sosiale programme word aangebied. Daar is 'n verskeidenheid dienste wat deur die tehuis aan die inwoners gelewer word, soos arbeidsterapie, vervoer na en van winkelsentrums, gaskunstenaars wat gereeld optree, 'n biblioteek en kliniekdienste. 'n Eenmalige opnamefooi van R3 000 is betaalbaar, en die losies per maand is R2 105 (sluit



Emily Hobhouse



2 etes in, asook 1x per week wasgoed). Vir meer inligting, kontak mev Gellie Geldenhuys by 012 323 4891/2.

- **ALLEN KERKORRELS**
Na 40 jaar van digitale klank –
steeds die leier in orrelbou
Skakel ons vandag vir 'n gratis demonstrasie
Tel 012 991 4930
Faks 086 667 4680
Sel 079 497 2647



Kampe

- **Gemeente Montana: Vrouekamp**
9 tot 11 Maart 2012
By Mopani Lodge, net buite Pretoria
Tema: *Steek 'n petunia in jou hoed en skaterlag!*
Spreker ds Janine Bevol-Manders
R500 per persoon
Vir navrae of besprekings: Jana Peenze 083 734 5426
of janapeenze@vodamail.co.za
- **Eerstejaarskampe 2012**
 - **Potchefstroom-Studente: Dinsdag 10 tot Vrydag 13 Januarie**
R800 per persoon, verblyf, etes en 'n T-hemp ingesluit
Kontak dr Rudy Denton by 082 459 9710 of rudy@nhk.co.za
of Terzie Denton by 082 475 4618 of Marle Geel by 082 861 2799
 - **Stellenbosch Hervormers Aanvangskamp 2012**
Saterdag 21 Januarie tot Dinsdag 24 Januarie
Kom by kerk byeen vanaf 12:00 en vertrek 13:00 na kampterrein
Besonderhede sal gestuur word
Kontak ds Chris le Roux by 082 905 0818 of stellenbosch@nhk.co.za
 - **Philadelphia Tuks Eerstejaarskamp 2012**
Saterdag 21 Januarie tot Woensdag 25 Januarie
Kampterrein naby Brits
Sluit aan by groep op Facebook "TUKS NHK Philadelphia EJK 2012"
Registreer by www.philadelphia.co.za
Bring 'n vriend of vriendin na die kamp en kry R50 afslag
Kontak Aniena (bemarkter) by 082 293 9755,
Timo (kampbestuurder) by 083 426 3599,
ds Martin Slabbert by 082 655 4787
of dr Sanrie de Beer by 083 226 1866
 - **Bloemfontein Kougom Eerstejaarskamp**
Sondag 8 tot Donderdag 12 Januarie
R660 per persoon
Kontak ds Willem Dykema by 082 560 4772
of Giselle Fourie (kampvoorsitter) by 082 649 6527

Basaars en markte

- **Saterdag 26 November: Gemeente Waterberg (Nylstroom): Kersmark**
Boereontbyt van 07:00-11:00
Handgemaakte Kersgeskenke te koop
Waardeerder Stephan Welz gaan individue se oudhede waardeer



Skilderye gaan opgeveil word
 Gaskunstenaar Fatman gaan vermaak verskaf
 Kosstalletjies en verfbal
 18:00 kaas-en-wyn-funksie @ R100 met praatjie deur Stephan Welz
Vrydag 25 November 18:00: Jeug se Kerskonsert @ R10
 (worsbroodjie ingesluit)
 Navrae aan Ina Lategan by 014 717 3355 (08:00-13:00 weekdae)

- **Saterdag 26 November: NHSV Warmbad**
Boere-ontbyt en mark
 08:00 tot 11:00 by kerksaal in Ludorfstraat
 (tussen Mentz- en Grobler-rylaan)
 Heerlike gebak, kothuisartikels, vars wors en groente ook te koop
 Ontbyt R30 per persoon
 Kaartjies te kry by kerkkantoor
 of skakel Suzi van Dyk by 014 736 6404 (h) of 083 310 4943
- **Saterdag 17 Desember: Gemeente Wesmoot: Christusfeesmark**
 By Makro Wonderboom
 Stalletjies teen R200 – bespreek nou
 Met Lance James, Rodeo Girls, Hendrik Britz en Miranda
 Toegang gratis
 Kontak Carla Greyling by 082 376 9239
- **Saterdag 28 Januarie 2012: Gemeente Nelspruit**
Maroelafees en Buitelewe-ekspo
 Beplan nou reeds!
 By Nelspruit Rugbyklub
 In hoogseisoen van die maroela
 Van 08:00 tot laatmiddag, toegang gratis
 Gesinsvermaak
 Verskeie maroelaprojekte, geregte, resepteboeke te koop
 Woonwaens, tente, kampeertoerusting, veldvoertuie, kragopwekkers
 Kontak gemeentelike kerkkantoor by 013 741 1455 vir meer inligting

- **KOTHUIS OP SANDBAAI**
 Kom ontspan op rustige, pragtige Sandbaai slegs 5 km van Hermanus
 Ruim, gemaklike 1-slaapkamer selfsorg kothuis met see-uitsig
 Geskik vir 2 tot 4 persone met dubbelbed in kamer
 en dubbel-opvoubank in leefvertrek
 See- en kuspaadjie 1 blok van voordeur
 R500 – R700 per dag buite seisoen
 R600 – R800 per dag binne seisoen
 Skakel Ida Barnard by 083 594 2438

ANDER NUUS

- **Boekaankondiging: *Kwaheri, my geliefde*.** Lucia Prinsloo (dogter van wyle ds Mossie van den Berg) het op 16 November 'n getekende eksemplaar van haar pas gepubliseerde boek aan die Kerkargief oorhandig. Sy beskryf haar boek as 'n outobiografiese roman, 'n reisverhaal, 'n swerwersgang. Haar liefde vir haar mense, die Kerk en die feit dat ons van Afrika is, is opvallend. Sy vertel dat die kom en gaan van menswees deur die geloofsband gedra word, en ongeag waar haar mense hulle bevind het, was die geleentheid daar om saam Boeke te vat, saam te bid en weer by mekaar tuis te kom. Deesdae beleef ouers en kinders dat die lewenspaaië na teenoorstaande pole van die aardbol voer; ontmoet-en-weer-groet vind daagliks iewers op 'n lughawe plaas. Tog, skryf Lucia, kan ons mekaar





met die Swahili-woord groet: *Kwaheri*. Loop mooi in die vreemde. Mag jou reis voorspoedig wees. En ook: ...tot ons weer terugkom huis toe. (Hou die rubriek *Van ver af...* in die April-uitgawe van *Konteks* dop vir verdere gegewens en die Hervormde Kerk se gang in Afrika.)

Kwaheri, my geliefde word in sagteband deur Corals-uitgewers uitgegee en is by die uitgewers of Exclusive Books verkrygbaar. Die kontakpersoon is Stefina by 016 982 3255 of Lucia 082 552 0276. Daar is ook enkele eksemplare **in die SENTIK-boekwinkel** beskikbaar, waar dit teen kontant (R130) aangekoop kan word.

• **VAKATURE. Boekhouer: Direksie van die Kinderhuise**

Vereistes:

- o Toepaslike rekeningkundige kwalifikasie, of Matriek-rekeningkunde met ten minste 3 jaar toepaslike ervaring in boekhouding tot proefbalans-stadium en opstel van bedryfs- en finansiële jaarstate.
- o Moet vertrouwd wees met die generering van bestuursinligting.
- o Gebruikersvaardigheid in Pastel en Microsoft Excel.
- o Goeie kommunikasievaardighede.

Onderhandelbare salaris met normale diensvoorwaardes geld.

Diansaanvaarding 1 Januarie 2012.

Sluitingsdatum 28 November 2011.

Aansoeke met CV moet gerig word aan: Mev Susan Moore, Posbus 2368, Pretoria 0001; mannekrag@nhk.co.za; faks 012 322 7909. Navrae by 012 322 8885.

- Die **Ondersteuningsraad in Pretoria** reël twee **Kersfunksies** vir hul **behoefteige bejaardes** en **kinders** tussen 1 en 11 jaar. Enige persoon wat 'n bydrae wil maak, kan Esta Stieler kontak by 012 325 2320 / 1 / 2 / 3 / 4.

- Die Kantoorkomitee van die **Ondersteuningsraad Secunda** reël vir **Saterdag 26 November 'n gholfdag** vir fondsinsameling. Belangstellendes kan die koördineerder, ds Jan Rossouw van Trichardtsfontein, by 017 638 0246 of 084 585 8716 kontak.

- Die **Ondersteuningsraad Nylstroom** loods vroeg in 2012 die projek **Passie vir 'n Tassie** waartydens hulle tasse en skoolbenodighede voorsien aan die behoefteige kinders in hul gemeenskap. Enigeen wat 'n bydrae wil maak, kan Henriëtte Els of Manéna Long by 014 717 3594 kontak.

• **DIE ONDERSTEUNINGSRAAD
VAKATURE IN RING VAN RUSTENBURG
Maatskaplike Werker**

Halfdagpos vanaf 3 Oktober 2011 in Rustenburg.

Vir lewering van pleegsorgtoesigdienste by Diakonale Pleegsorghuis asook dienslewering aan lidmate van die Hervormde Kerk.

Ononderhandelbare vereistes: Registrasie by Raad vir Maatskaplike Diensberoepe, geldige bestuurslisensie, ervaring in statutêre werk en vereenselwiging met etos van die Hervormde Kerk. Salaris bepaal deur jare ervaring.

Aansoeke aan mev Mariaan Steenkamp (mariaans@nhk.co.za of faks 012 322 5787). **Sluitingsdatum 30 November 2011.**

• **DIE ONDERSTEUNINGSRAAD: ANDER VAKATURES**

- o Programbestuurder Noordwesprovinsie: Minimum 6 jaar statutêre ervaring in maatskaplike werk; vorige bestuurservaring sal 'n aanwinst wees; area Rustenburg/Potchefstroom/Klerksdorp (halfdagpos).
- o Maatskaplike Werkers (6 poste): Areas Tarlton, Krugersdorp, Brakpan, Pretoria en Potchefstroom.
- o Maatskaplike Hulpwerkers: Areas Klerksdorp en Brakpan.

Vereistes: Registrasie by Raad vir Maatskaplike Diensberoep; Kode 8-bestuurslisensie. Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.

- **TRANSORANJE KERSMARK**

18-27 November

Tshwane Events Centre (Pretoria-skougronde)

Saal L (Kerkstraat-ingang)

Weekdae 09:00 – 20:00

Saterdag 09:00 – 16:00

Sondag 09:00 – 15:00

Gratis toegang, kaartfasiliteite en koopverenigings

Meer as 250 uitstallers, teetuin

Navrae: 012 386 6072/5 of besoek www.transoranje.webs.com

- **Beeld-Kinderfonds: Kerskonsert**

Woensdag 30 November

Moreleta Woodlands

Met Jannie Moolman, Rudi Muller, Carike Keuzenkamp (gasvrou), Rina Hugo, Leon Ferreira, Bobby van Jaarsveld, Gerrie Pretorius, Francois Coetzee, Lianie May en Jan de Wet

Kaartjies by www.itickets.co.za of 086 100 0291

of by Jire Cafe @ Moreleta Woodlands Ouditorium

Die **Sinodale Kerkkantoor sluit** op Donderdag 22 Desember om 12:00 en **heropen** op Dinsdag 3 Januarie 2012.

Die **laaste e-Hervormer** van vanjaar verskyn op **Donderdag 1 Desember**. Die **eerste uitgawe van 2012** verskyn op **Donderdag 12 Januarie**.

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Dit bestaan hoofsaaklik uit teks (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Die teks moet saam met die bewys van betaling gestuur word aan mev Tessa Oppermann, per e-pos na produksie@nhk.co.za, of per faks na 086 633 4059. GEEN advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R114 per plasing.** (Die prys styg in Januarie tot R150 en die grootte sal voortaan beperk moet word – adverteer dus nou!)

Die verskuldigde bedrag moet uitgemaak word aan:


Raad van Finansies

ABSA Bank

Tjekrekening nommer 020-000-287

Takkode 632-005

Verwysing: u naam + e-Hervormer Ads



Die Voortrekkers
HOU KOERS

Die Voortrekkers hou al 80 jaar koers. Uithou, aanhou, koershou!

Saamtrek.

Altyd 'n Voortrekker.

Beleef die ongewone. Skakel ons by 012 329 6011 of besoek www.voortrekkers.org.za

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad by www.nhk.co.za gestuur word. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Dit is met vreugde dat ons verneem het dat dr André Ungerer aangewys is as redakteur van *Die Hervormer*. Hierdie is ’n gewigtige verantwoordelikheid in ons Kerk. Die aanstelling getuig van vertroue in sy integriteit en onpartydigheid en is ’n groot eer vir hom. Ons, as ring, wens hom hartlik geluk. Al die take wat aan hom toevertrou is, vra groot opoffering van hom, sy huisgesin en sy gemeente. Dankie aan almal wat dit vir hom moontlik maak om te kan volhou. Ons bid dat die Here hom die wysheid sal gee om met onderskeiding hierdie verantwoordelikheid te dra.”

Ds Stephan Botha
Voorsitter, ring van Klerksdorp

AGTERBLAD

Nuwe kategeseboeke vir graad R en graad 6

SENTIK doen tans die finale afronding om die nuwe kategeseboeke vir graad R en graad 6 persgereed te maak. Die boeke sal vroeg in Januarie beskikbaar wees.

Nadat herkurrikulering gedoen is, word al die uitgawes van Woord en Lewe wat sedert 2007 verskyn het (graad R tot graad 6) nou deur ’n paneel ervare predikante en opvoedkundiges hersien. Gedurende 2013 behoort ’n hele nuwe reeks boeke beskikbaar te wees.

Enige navrae oor die kategeseboeke kan aan dr Hannes Beukes, hoofredakteur van die kategesemateriaal, gerig word, by hannesbeukes@vodamail.co.za, 017 647 2455 of 083 453 0344.

